

UNIVERZITET U TUZLI

SENAT

Broj: 03-6205-1-1/20

Tuzla, 24.12.2020. godine

Na osnovu člana 60. stav (1) alineja d) Zakona o visokom obrazovanju („Službene novine TK“, broj: 07/16, 10/16, 5/17, 15/17, 15/19 i 9/20), člana 52. stav (1) alineja b) i člana 240. stav (5) Statuta Univerziteta u Tuzli, Senat Univerziteta u Tuzli, na sjednici održanoj 24.12.2020. godine donio je

PRAVILNIK

o načinu vrednovanja kriterija u postupku izbora asistenata i viših asistenata na Univerzitetu u Tuzli

Član 1.

Ovim Pravilnikom bliže se utvrđuje način vrednovanja utvrđenih kriterija, način rangiranja kandidata i druga pitanja u postupku izbora kandidata sa i bez zasnivanja radnog odnosa asistenata i viših asistenata na Univerzitetu u Tuzli (dalje: Univerzitet).

Član 2.

U slučaju kada se na javni konkurs za izbor u saradničko zvanje prijavi više lica koja ispunjavaju uslove za izbor u zvanje asistenta ili višeg asistenta, utvrđenih Zakonom o visokom obrazovanju i Statutom Univerziteta, komisija za pripremanje prijedloga za izbor u naučno-nastavno/umjetničko-nastavno zvanje, vrši rangiranje kandidata i utvrđuje prijedlog za izbor, vrednovanjem kriterija iz člana 240. Statuta Univerziteta.

Član 3.

(1) Uz prijavu na raspisani konkurs, kandidat podnosi dokaze o ispunjavanju opštih i posebnih uvjeta za izbor u zvanje, na način propisan konkursom, te dokaze na osnovu kojih se vrši rangiranje kandidata po utvrđenim kriterijima.

(2) Vrednovanje i rangiranje kandidatima vrši se samo za kandidate čije su prijave na konkurs za izbor u zvanje blagovremene i potpune i koji ispunjavaju propisane uslove za izbor.

(3) Vrednovanje po utvrđenim kriterijima vrši se samo ukoliko kandidat podnese odgovarajuće dokaze.

Član 4.

Vrednovanje po utvrđenim kriterijima za rangiranje kandidata izražava se u bodovima.

Kriteriji za izbor u zvanje asistenta

Član 5.

(1) Kriteriji za izbor u zvanje asistenta vrednuju se na način kako slijedi:

- a) **visina ukupne prosječne ocjene** ostvarene na dodiplomskom/prvom/integriranom prvom i drugom ciklusu studija vrednuje se maksimalno sa 30 bodova, a izračunava se

tako što se ukupno ostvarena ocjena u toku studija množi sa 3 i zaokružuje na dvije decimale;

- b) **kandidat dobitnik najvećeg priznanja Univerziteta-Student generacije Univerziteta**, boduje se sa 7 bodova.
- c) **visina prosječne ocjene iz predmeta uže naučne/umjetničke oblasti/nastavnog predmeta** na koju se kandidat bira vrednuje se maksimalno sa 30 bodova, a izračunava se tako što se ostvarena ocjena pomnoži sa 3 i zaokružuje na dvije decimale;
- d) **dužina studiranja** vrednuje se:
 - sa 5 bodova kandidatu koji je studij završio u roku,
 - sa 3 boda kandidatu koji je studij završio u apsolventskom roku.
- e) **pokazana sklonost za istraživački rad** vrednuje se sa maksimalno 1 bod. (učesće u stručnim i/ili naučnim radovima, učesće u projektima, takmičenjima studenata federalnog, državnog ili međunarodnog nivoa).
- f) **poznavanje jednog svjetskog jezika, najmanje srednjeg nivoa**, vrednuje se sa 1 bodom, s tim da broj ostvarenih bodova po ovom kriteriju može iznositi najviše 2 boda;
- g) **intervju sa kandidatom** vrednuje se sa maksimalno 5 bodova. Prilikom intervjua ocjenjuju se edukativne, pedagoške i komunikacione vještine, znanja i sklonosti kandidata, te poznavanje organizacije nastavnog procesa.

(2) Pod završetkom studija u roku, u smislu stava (1) tačka d) ovog člana podrazumijeva se završetak studija istekom posljednjeg dana akademske godine u kojoj je odslušao završnu godinu studija za tu generaciju studenata.

(3) Pod završetkom studija u apsolventskom roku, u smislu stava (1) tačka d) ovog člana podrazumijeva se period od prvog dana naredne akademske godine do kraja iste.

Kriteriji za izbor u zvanje višeg asistenta

Član 6.

Kriteriji za izbor u zvanje višeg asistenta vrednuju se na način kako slijedi:

- a) **visina prosječne ocjene ostvarene na odgovarajućem postdiplomskom/drugom ciklusu studija**, a za fakultete koji imaju integrirani studij prvog i drugog ciklusa **visina prosječne ocjene ostvarene na odgovarajućem doktorskom studiju**, uz obavezno odobrenu temu doktorske disertacije, vrednuje se maksimalno sa 30 bodova, a izračunava se tako što se ostvarena prosječna ocjena pomnoži sa 3 i zaokružuje na dvije decimale,
- b) **visina prosječne ocjene ostvarene na dodiplomskom/prvom/integriranom prvom i drugom ciklusu studija** vrednuje se maksimalno sa 30 bodova, a izračunava se

tako što se ukupno ostvarena prosječna ocjena u toku studija pomnoži sa 3 i zaokružuje na dvije decimale;

- c) **broj objavljenih naučnih i stručnih radova** vrednuje se kako slijedi:
- svaki objavljeni naučni rad iz uže naučne/umjetničke oblasti na koju se kandidat bira vrednuje se sa 3 boda;
 - svaki objavljeni stručni rad iz uže naučne/umjetničke oblasti izbora vrednuje se sa 1 bodom;
- s tim da broj ostvarenih bodova po ovom kriteriju može iznositi najviše 10;
- d) **pokazana sklonost za nastavni rad** vrednuje se kako slijedi:
- učešće u nastavnom procesu na odgovarajućoj užoj naučnoj/umjetničkoj oblasti na akreditiranoj visokoškolskoj ustanovi vrednuje se sa 1 bodom po semestru;
- s tim da broj ostvarenih bodova po ovom kriteriju može iznositi najviše 10;
- e) **učesće u naučno/umjetničko-istraživačkim projektima** vrednuje se sa 1 bodom po projektu iz naučne/umjetničke oblasti izbora, pri čemu se po ovom osnovu može ostvariti najviše 3 boda.
- f) **poznavanje jednog svjetskog jezika, najmanje srednjeg nivoa**, vrednuje se sa 1 bodom, s tim da broj ostvarenih bodova po ovom kriterijumu može iznositi najviše 2 boda;
- h) **intervju sa kandidatom** vrednuje se sa maksimalno 5 bodova. Prilikom intervjua ocjenjuju se edukativne, pedagoške i komunikacione vještine, znanja i sklonosti kandidata, te poznavanje organizacije nastavnog procesa.

Član 7.

(1) Kada je raspisan konkurs za izbor u zvanje asistenta ili višeg asistenta sa zasnivanjem radnog odnosa, a prijavljeni kandidat, uz prijavu na konkurs pruži dokaze da je nezaposleno lice iz člana 1. st. (1) i (2) Zakona o dopunskim pravima branilaca i članova njihovih porodica (Drugi prečišćeni tekst) ("Službene novine TK" br. 10/20), bez obzira na starosnu dob, a koje se nalazi na evidenciji službe za zapošljavanje, u slučaju ostvarenog jednakog broja bodova nakon izvršenog rangiranja kandidata u smislu članova 5. i 6. ovog Pravilnika, ima prioritet pri zapošljavanju, u skladu sa utvrđenim kriterijima i to po slijedećem redoslijedu:

- a) član porodice šehida, poginulog, umrlog i nestalog branioca
- b) ratni vojni invalid
- c) dobitnik ratnog priznanja i odlikovanja
- d) demobilisani branilac
- e) članovi porodice ratnog vojnog invalida, dobitnika ratnog priznanja i odlikovanja i demobilisanog branioca.

(2) Pravo iz stava (1) ovog člana ne može ostvariti lice, kojem je radni odnos, zasnovan po osnovu ranije ostvarenog prioriteta pri zapošljavanju, prestao njegovom krivicom ili je po prestanku radnog odnosa ostvario pravo na otpremninu, odnosno koje je korisnik prava na porodičnu penziju.

(3) Lice iz stava (1) ovog člana koje ispunjava uslove za ostvarivanje tog prava, da bi ostvarilo prioritet za prijem u radni odnos na Univerzitetu, dužno je uz prijavu na javni

konkurs priložiti sve dokaze o ispunjavanju traženih uslova, kao i potvrdu nadležnog organa o priznatom statusu branioca odnosno člana porodice istog.

(4) Sadržajem konkursa se bliže definiše način dokumentovanja dokaza iz stavova (2) i (3) ovog člana.

(5) Vlada Kantona će posebnim propisom utvrditi uslove, kriterije i postupak realizacije prava iz ovog člana.

Član 8.

(1) Komisija za pripremanje prijedloga za izbor kandidata u zvanje asistenta ili višeg asistenta, nakon izvršenog vrednovanja po utvrđenim kriterijima vrši rangiranje kandidata, sa prikazom ostvarenog broja bodova po svakom kriteriju i ukupno, redoslijedom od najvećeg broja ostvarenih bodova ka najmanjem.

(2) U slučaju ostvarenog istog broja bodova, a istovremeno najvećeg broja bodova, komisija postupa na način utvrđen članom 7. ovog Pravilnika.

Član 9.

Terminologija korštena u ovom Pravilniku podrazumijeva oba roda.

Član 10.

Ovaj Pravilnik stupa na snagu danom donošenja.



PREDSJEDAVAJUĆA SENATA

Nermina Hadžigrahić
Dr. sc. Nermina Hadžigrahić, red. prof.